

Na osnovu člana 70. Zakona o organizaciji organa uprave Federacije BiH („Službene novine Federacije BiH“, broj: 35/05), a u skladu sa Odlukom o utvrđivanju prava na zdravstveno osiguranje lica koja nisu osigurana po drugom osnovu u Bosansko-podrinjskom kantonu Goražde za 2025. godinu, broj: 01-33-78/25 od 29.01.2025. godine („Službene novine Bosansko-podrinjskog kantona Goražde“, broj: 01/25), Ministar za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, *d o n o s i*:

ODLUKU o raspisivanju Javnog poziva

Član 1.

U cilju osiguranja zdravstvene zaštite za sva lica koja u prethodne tri godine imaju prebivalište na području Bosansko-podrinjskog kantona Goražde, a koja nisu zdravstveno osigurana ili to pravo ne mogu ostvariti po drugom osnovu, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde raspisuje Javni poziv.

Član 2.

Javnim pozivom iz člana 1. ove Odluke pozvat će se sva lica koja u prethodne tri godine imaju prebivalište u Bosansko-podrinjskom kantonu Goražde, a koja nisu zdravstveno osigurana po bilo kom osnovu, da putem ovog Ministarstva na obrascu koji će biti sastavni dio Javnog poziva prijave činjenicu da pravo na zdravstveno osiguranje ne ostvaruju niti mogu ostvariti po bilo kom drugom zakonom definisanom osnovu.

Član 3.

Prijave i podatke o licima bez zdravstvenog osiguranja prikupljat će Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, a njihovu obradu prije slanja konačnih spiskova Vladi Bosansko-podrinjskog kantona Goražde izvršit će Komisija formirana od strane Ministarstva, dok će po utvrđivanju konačnog spiska administrativne poslove prijave i odjave na zdravstveno osiguranje u ime Vlade Bosansko-podrinjskog kantona Goražde poduzimati lica koje imenuje Vlada Bosansko-podrinjskog kantona Goražde.

Član 4.

Tekst Javnog poziva objavit će se na službenoj web stranici Vlade BPK Goražde, Oglasnoj ploči kantona, a putem sredstava javnog emitiranja biće objavljeno obavještenje o raspisanom Javnom pozivu.

Član 5.

Ova Odluka stupa na snagu danom donošenja.

**MINISTARSTVO ZA SOCIJALNU POLITIKU,
ZDRAVSTVO, RASELJENA LICA I IZBJEGLICE
BPK GORAŽDE**

Broj: 08-33-74-3/25
Goražde, 17.02.2025.godine

MINISTAR
Senad Čeljo



Na osnovu Odluke o raspisivanju Javnog poziva Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, broj: 08-33-74-3/25 od 17.02.2025. godine, a u skladu sa Odlukom o utvrđivanju prava na zdravstveno osiguranje lica koja nisu osigurana po drugom osnovu u Bosansko-podrinjskom kantonu Goražde za 2025. godinu, broj: 01-33-78/25 od 29.01.2025. godine ("Službene novine Bosansko-podrinjskog kantona Goražde", broj: 01/25), Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, **r a s p i s u j e**:

JAVNI POZIV

I.

Predmet Javnog poziva je prikupljanje podataka o licima koja u prethodne tri godine imaju prebivalište u Bosansko-podrinjskom kantonu Goražde koja nisu zdravstveno osigurana ili to pravo ne mogu ostvariti po drugom osnovu, kako bi na osnovu Odluke o utvrđivanju prava na zdravstveno osiguranje lica koja nisu osigurana po drugom osnovu u Bosansko-podrinjskom kantonu Goražde za 2025. godinu, broj: 01-33-78/25 od 29.01.2025. godine, mogli ostvariti predmetno pravo.

Izuzetno, a u odnosu na prethodni stav, pravo na zdravstveno osiguranje mogu ostvariti i lica koja nemaju tri godine prebivalište na području Bosansko-podrinjskog kantona Goražde te ukoliko se radi o liječenju koje zahtjeva hitnost, uz ispunjavanje svih ostalih propisanih uslova iz člana 6. stav 3. Odluke uz prethodno pribavljenu saglasnost Vlade Bosansko-podrinjskog kantona Goražde.

II.

Uz prijavu na Javni poziv potrebno je dostaviti:

1. uvjerenje o prebivalištu (CIPS),
2. uvjerenje o kretanju izdato od MUP-a,
3. kućnu listu,
4. uvjerenje o statusu osiguranja iz Porezne ispostave Goražde za suprugu/supruga i
5. ovjerenu izjavu aplikanta da nije zdravstveno osiguran ni po jednom osnovu.

Ukoliko se podnosi prijava na zdravstveno osiguranja i za člana porodice (supruga/suprug) uz prethodno navedenu podnosi se sljedeća dokumentacija:

1. obrazac ZO3 (Zavod zdravstvenog osiguranja),
2. uvjerenje o prebivalištu (CIPS) ili ovjerena kopija,
3. vjenčani list ili ovjerena kopija i
4. uvjerenje o status iz Porezne ispostave Goražde i

ukoliko se podnosi prijava na zdravstveno osiguranja za dijete pred dokumentacije iz stava 1. dostavlja se sljedeća dokumentacija:

1. rodni list za dijete (za novorođenče ili kad se dijete prvi put prijavljuje) ili ovjerena kopija,
2. potvrda ili uvjerenje da je redovan učenik ili student za tekuću godinu i
3. za djecu preko 26 godina, potvrdu/rješenje JU Centar za socijalni rad BPK Goražde o nesposobnosti za samostalan život.

III.

Prijavu na Javni poziv mogu podnijeti neosigurana lica koja iz opravdanih razloga nisu podnijela zahtjev u roku definisanom javnim pozivom (kao i lica koja iz opravdanih razloga i ne svojom greškom nisu mogla ostvariti pravo po drugom osnovu), mogu u toku kalendarske godine podnijeti zahtjev za priznavanje prava iz člana 1. ove Odluke Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, koje ih dalje, nakon izvršenih provjera od strane komisije iz člana 6. Odluke i utvrđivanja spiska lica koja ispunjavaju uslove da budu osigurani na osnovu ove Odluke, prosljeđuje na dalje postupanje Vladi Bosansko-podrinjskog kantona Goražde.

IV.

Prijava se može preuzeti kod portira na prijavnici Kantona ili u prostorijama Ministarstva, popunjen obrazac predaje se u Pisarnicu Kantona. Prijavu je također moguće preuzeti i na web-stranci Vlade Bosansko-podrinjskog kantona Goražde: www.bpkg.gov.ba.

V.

Krajnji rok za podnošenje prijava po ovom Javnom pozivu je 24.02.2025. godine.

**MINISTARSTVO ZA SOCIJALNU POLITIKU,
ZDRAVSTVO, RASELJENA LICA I IZBJEGLICE
BPK GORAŽDE**

Broj: 08-33-74-4/25
Goražde, 17.02.2025.godine



MINISTAR

Senad Čeljo